

小兒推拿廣意下

推拿廣意目錄

上卷

總論

正面諸穴圖

調護歌

四十八脉圖解

審候歌

陽掌圖

正形圖

又拿法

正面五色圖

運耳背骨圖

女推右手三關圖

分陰陽法

黃蜂入洞法

二龍戲珠法

猿猴摘果法

指南賦

背面穴圖

入門候歌

詳解脉紋

脉法歌

陽掌十八穴療病訣

背形圖

看額衄

推坎宮圖

雙鳳展翅圖

運八卦圖

推五經圖

蒼龍擺尾圖

赤鳳搖頭圖

鳳凰展翅圖

入門察色

面上諸穴歌

入門試法

辨色歌

聞小兒聲音

足部圖

推法

推拿手部次第

推攢竹圖

推虎口三關圖

分陰陽圖

推五經法

蒼龍擺尾法

赤鳳搖頭法

鳳凰展翅法

五視法

小兒無患歌

虎口三關圖

五指冷熱歌

辨小兒五音

足部十三穴療病訣

拿法

推拿面部次第

運太陽圖

男推左手三關圖

運八卦法

黃蜂入洞圖

二龍戲珠圖

猿猴摘果

飛經走氣圖

飛經走氣法
水裡撈明月法

按弦搓摩圖
打馬過天河圖

按弦搓摩法
打馬過天河法

水裡撈明月圖
臟腑歌

中卷

胎毒

嘔吐

瘧疾

癩症

雜症

下卷

初生三方

傷寒門十四方

痢疾門七方

癩症門六方

驚風

泄瀉

疳疾

咳嗽

雜症推拿大法

胎毒門七方

嘔吐門八方

瘧疾門八方

咳嗽門七方

諸熱

腹痛

積症

腫脹

小兒壞症一十五

驚風門二十二方

泄瀉門十五方

疳疾門八方

腫脹門五方

傷寒

痢疾

痞症

目疾

斷面色惡症死候

諸熱門三十三方

腹痛門九方

痞積門六方

雜症門二十八方

楚清江陳世凱紫山重訂

仁和王元潞爾調參閱
東川熊應雄運英纂輯
梓州趙鳳鳴岐同較

胎毒

初生小兒病症許多名狀不同馬牙鵝口與臍風重舌木舌腫痛啼哭夜間不已丹瘍心火上攻未曾滿月病多凶好似風前燭弄

夫胎毒者乃自胎中受母熱血故熱盛生痰痰盛生風風盛則口禁唇撮胸腹脹滿咽喉不利乳食不進初起則啼哭不已病甚則啼哭無聲蓋小兒血氣薄弱不能制伏其毒以致心火上炎牙齦遍生白色名曰馬牙或上脣有白點狀如粟米名曰鵝口或斷臍之後風濕所傷浸於心脾以致不乳口撮肚脹青筋名曰臍風致於胎毒上攻舌下像有一舌名曰重舌舌腫如木名曰木舌又或胎熱臍寒腹痛夜啼客忤驚竄或孕母過食辛熱積熱於胎遺熱於兒血與熱相博而風邪乘之遍身赤腫名曰丹毒其熱如火痛癢難當或發於頭面或發於肢胸背俱宜急治否則毒氣入腹即難救矣兒病初起父母失於隄防或醫者懼投熱劑往往莫救殊為可憫業斯術者可不慎歟

臍風

風邪早受人臍中七日之間驗吉凶若見腹疼臍濕爛喋聲口撮是為風 凡嬰孩始生一七

之內腹肚脹硬臍畔四圍浮腫口撮眉攢牙關不開名臍風證因剪臍帶乃短或結縛不緊致
溼侵臍客風乘虛而入傳之於心蘊蓄其邪復傳脾絡致舌強昏青手足微搐口噤不乳啼聲
似啞喉中痰涎潮嚮是其候也 治法 推三關 肺經各一百運八卦 脾土略一分陰陽
如撮只用燈火口角兩邊各一燧左右虎口各一燧兩小指四節各一燧腦門四燧如肚上青
筋脹硬臍周圍七燧每筋上一燧左筋開了處一燧湧泉穴一燧臍腫番出神脫氣冷者不治
重舌鵞口

孩兒胎受諸邪熱七壅三焦作重舌或成鵞口證甚憂推搗還須針刺裂 凡重舌生於舌下
挺露如舌故曰重舌然脾之絡脉系舌傍肝之絡脉系舌本心之脉絡系舌根此三經或為溼
熱風寒所中則舌捲縮或舒長或腫滿本舌者舌腫硬而妨乳食由於風熱盛也蓋舌者心之
苗心熱則生瘡破裂肝壅則血出如湧脾閉則白胎如雲熱則腫滿風則強木口合不開四肢
壯熱氣喘語溢即其候也 治法 推三關 心經 脾經各一分 肺 八卦 蓮水入土五
十分陰陽 天河水 凡鵞口者始生嬰孩自一月內外至半歲以上忽口內白屑滿舌則
上腭戴礙狀如鵞口開而不合語聲不出乳食多艱或生于牙齦上下名曰馬牙皆由熱毒上
攻名雖異治則一也 治法 推三關 退六腑各一分陰陽 撈明月 打馬過天河 再
用扁銀簪腳將牙齦刮破出血以軟絹拭淨古墨塗之

夜啼

夜啼四症驚為一無淚見燈心熱煩面容夾青臍下痛睡中頓哭是神干 凡夜啼有四有驚

熱有心熱有寒山有誤觸神祇而成夜啼驚熱者為衣衾太厚過於溫暖邪熱攻心七與小腸為表裡夜啼而遺溺者是也心熱者見燈愈啼是也寒疝者遇寒即啼是也誤觸神祇者面色紫黑氣鬱如怒若有恐懼睡中驚跳是也 治法 推三關 五十六腑 一掃清心經 一百撈明月 分陰陽 掐膽經 如寒疝痛啼宜運動四橫紋揉臍并一窩風

驚風門

胎驚潮熱與月家臍風撮口對風拿泄瀉嘔逆肚膨脹盤腸乳食感風邪馬蹄鯽魚風寒號擔手原來是水邪寒熱不均宿沙症慢內吊心脾邪天吊彎弓肝腑病蛇絲鷹爪及烏沙烏鴉夜啼有他症鎖心撒手火為邪驚風症候須當識妙手輕輕推散他 夫小兒有熱熱盛生驚驚盛發搐又盛則牙關緊閉而八候生焉八候者搐搦掣顫反引竄視是也搐者兩手伸縮搦者十指開合掣者勢如相撲顫者頭偏不正反者身仰後向引者臂若開口竄者目直似怒視者露睛不活是謂八候也其四症即驚風疾熱是也 凡小兒初生下地或軟或硬目不開光全不啼哭人事不省乃胎中受驚名曰胎驚 治法 三關 八十分陰陽 一百六腑 一百脾土 一百運五經 二十飛驚走氣天門 八虎口 二十揉斗肘

月家驚小兒落地眼紅口撮頭偏左右手掐拳哭聲不出是胎中熱毒或月內受風痰湧心口名曰月家驚 治法 二十運八卦 四橫紋 五十雙龍擺尾 揉臍及龜尾 五十中指節內

勞宮 板門 掐之 青筋縫上燈火七焦氣急臍上七焦 潮熱驚小兒身熱氣吼口渴眼紅

四肢掣跳傷食感寒而成名曰潮熱驚 治法 三關 一百肺經 一百分陰陽 一百推扇門 十二

如出汗加六腑一百清心經二十水裏撈明月 臍風驚 治法見胎毒門臍風症 嘔逆驚

肚嚮食嘔四肢逆人事昏是胃經傷食受寒名曰嘔逆驚 治法 三關一百肺經一百脾土

一百分陰陽 運八卦 四橫紋各五飛經走氣 鳳凰單展翅 泄瀉驚面青唇白肚嚮作

瀉眼番作渴人事昏迷四肢六腑有寒乳食所傷名曰泄瀉驚 治法 推三關一百分陰陽

一百大腸二十脾土二百二扇門一十黃蜂入洞揉臍及龜尾臍圍七焦 膨脹驚寒熱不均

氣喘眼白飲食不進青筋裏肚肚腹脹瀉名曰膨脹驚皆因食後感寒脾不能運 治法 三

關二百脾經五十脾土二百運八卦 分陰陽五十揉臍一百精甯穴 按弦搓摩 鳳凰單

展翅 用燈火肚上青筋四焦 盤腸驚氣吼肚膨飲食不進人瘦體弱肚起青筋眼黃手軟

大小便不通肚腹疼痛名曰盤腸驚此乃六腑有寒也 治法 三關一百脾土一百大腸二

百運土入水一百肺經一百補腎水一百揉臍及龜尾臍週圍燈火七焦再用艾茸灸熱一團

紫臍上 馬蹄驚四肢亂舞頭向上名曰馬蹄驚此因受風熱被嚇之症也 治法 三關二

百肺經一百運八卦 脾土一百天河水 大腸十五飛經走氣 以燈火爆四肢肩膊喉下

臍下各一焦 鯽魚驚口吐白沫四肢擺動嘴歪常搭眼番白名曰鯽魚驚此肺經有風脾經

有寒 治法 三關三百脾土二百肺經一百八卦 清天河 運水入土五十五經五十補

腎水二十掐五指節三次 按弦搓摩 口角上下燈火四焦 擺手驚兩眼向上四肢反後

或兩手垂下眼黃口黑人事昏沈此因水唬掐之覺痛者治之不痛不治 治法 三關肺經

各二橫紋 天門 虎口 揉肘肘 運水入土 飛經走氣 宿沙驚日輕夜重到晚昏迷

各二橫紋 天門 虎口 揉肘肘 運水入土 飛經走氣 宿沙驚日輕夜重到晚昏迷

口眼歪斜四肢掣跳口鼻氣淤名曰宿沙驚乃脾腎有寒之症也 治法 三關 六腑各一

四橫紋 運八卦 分陰陽 掐五指節 掐腎水 打馬過天河 急驚口眼歪斜四肢搐

掣疾壅心迷人事不省其狀如死名曰急驚乃肝經積熱風火之症也 治法 三關 六腑

腎水 天河 脾土 二百肺經 運五經 掐五指節 猿猴摘果 咬崑崙穴 推三陰

穴上急驚下 慢驚面青唇白四肢厥冷人事昏迷手足搐掣眼慢疾壅名曰慢驚由大病之餘

吐瀉之後脾土虛敗肝木無風而自動也 治法 先掐老龍穴有聲可治無聲不可治次用

艾炷崑崙穴 推三關 肺經 腎水 八卦 脾土 掐五指節 運五經 運八卦 赤

鳳搖頭 二龍戲珠 天門入虎口 用燈火手足心四燋 心上下三燋 一陰穴慢驚從下往上

內吊驚兩眼迷閉哭聲不止面青眼黃手眼望內掣者名曰內吊驚乃肺經受寒症也 治

法 三關 肺經 脾土 腎水各一 雙鳳展翅 按穴推摩 再以竹瀝灌之又以細茶飛

鹽皂角各末用五分水一鍾黃蠟二分鍋內溶化入前末為餅貼心窩即效 天吊驚眼向上

哭聲號四肢掣口眼歪斜鼻流清水或衄血此乃肺經受風或食後感寒而成名曰天吊驚

治法 三關 脾土 陰陽各一 天河 六腑 肺經 八卦 揉五指 重揉大小天心

又云總筋青筋耳珠掐之又云將燈火臍上下提之 彎弓驚頭仰後四肢向後眼番或閉腹

脹哭聲不止此乃肺經受風積疾所致也名曰彎弓驚 治法 三關 肺經 脾經 八卦

天河 重揉手脚彎內關中界掐臍上下 青筋縫上喉下各三燋又須重揉委中書曰手

足後伸頭後仰笑臍上下即安康 蛇絲驚口中拉舌肢肢冷而掣哭聲不出乃心經有熱睡

推拿 廣意 卷中 三

中食乳口角入風名曰蛇絲驚 治法 三關 六腑 陰陽 八卦 天河 略推三關

多推腎腎水 如舌拉不止燈火胸前六焦 鷹爪驚兩手爬人撚拳咬牙手望下口望上身

寒戰名曰鷹爪驚此因被嚇傷乳心有風熱也 治法 三關 脾土 陰陽 八卦 又在

大指左右手足三彎掐之再用燈火爆手心太陽眉心脚心各一焦 烏沙驚四肢掣跳口唇

青黑肚脹青筋名曰烏沙驚此乃腸腑受寒之症也 治法 三關 肺經 八卦 推膠六腑

脾土 少推 內撈宮二扇門 再用燈火四提心之肚上青筋縫上七焦 烏鴉驚手足掣跳

口眼俱閉大叫一聲形如死狀名曰烏鴉驚乃心有熱有痰症類急驚是也 治法 三關

肺經 六府 天河水 撈明月 飛經走氣 脾土 若吐 四心用燈火各一焦 夜啼

驚 治法見胎毒門 鎖心驚口吐沫鼻流血四肢軟好吃冷物眼白不哭名曰鎖心驚心肝

驚有熱火盛痰壅之症也 治法 三關 六腑 天河水 撈明月 分陰陽 運八卦

腎水 赤鳳搖頭 撒手驚看眼咬牙手足一掣一死名曰撒手驚乃心經被風嚇先寒

後熱有痰之症也 治法 三關 六腑 肺經略 天河 脾土 八卦 赤鳳搖頭

將兩手相洽共掐橫紋若不醒大指頭上掐之上下氣閉人中掐之鼻氣無出入吼氣寒熱作

渴隨症治之先承山推看心再用燈心手上手背各二焦若咬牙將兩然耳珠屈中指揉頰車

穴又運土入水 驚風二十四症惟以急慢二症為先急驚屬陽皆由心經受熱積驚肝經生

風搖發風火交爭血亂氣併痰延壅盛百脉凝滯關竅不通內則不能升降外則無所發泄以致

致齧齒咬乳頰赤唇紅鼻額有汗氣促痰喘忽爾悶絕目直上視牙關緊急口噤不開手足搐

制手此熱甚而然慢驚屬陰皆由大病之餘吐瀉之後目慢神昏手足偏動口角流涎身體微温
 眼目上視兩手握拳而搐如口鼻氣冷顛門下陷此虛極也脈沈無力睡則揚睛此真陽衰耗
 而陰邪獨盛此虛寒之極也急驚屬實熱宜於清涼慢驚屬虛寒宜於温補對症施治斯為的
 當

驚風握拳之圖

男向外順



逆則又指



女向內順



並是惡症

諸熱門

諸熱元初各有因對時發者是潮名乍來乍止為虛症乍作無寒是骨蒸 夫胎熱者兒生三
 朝旬月之間目閉而赤眼胞浮腫常作呻吟或啼叫不已時復驚煩遍體壯熱小便黃色此因
 在胎之時母受時氣熱毒或誤服温劑過食五辛致令熱蘊于內重蒸胎氣生下因有此症名
 曰胎熱若經久不治則成鴉口重舌木舌赤紫丹瘤等症又不可以大寒之劑攻之熱退則寒

起傳作他症切宜慎之 治法 推三關 退六腑 分陰陽 天河 三焦 揉外勞 運

八卦自坤至坎宜多二次 掐腎水 五總 十黃穴 運肘肘 水底撈明月 虎口曲池各用燈火一

燻 潮熱者時熱時退來日依時而發如潮水之應不差故曰潮熱大抵氣血壅盛五腸驚熱

薰發於外或夾伏熱或暈宿寒伏熱者大便黃而氣臭宿寒者大便白而酸臭是也 治法

推三關 補心經 運八卦 分陰陽 瀉五軀 掐十王 掐中指 推六腑 撈明月

運肘肘 驚熱者或遇異物而觸目忤心或金石之聲而駭聞悚懼是以心既受驚而氣則不

順身發微熱而夢寐虛驚面光而汗脉數煩躁治當與急驚同法也 治法 推三關 肺經

分陰陽 推扇門 清心經 天河 五經 掐總經 運肘肘 撈明月 飛經走氣

風熱者身熱面青口中赤熱煩叫不時宜蘇風解熱若熱甚而大便秘者下之可也 治法

推三關 瀉大腸 掐心經 瀉腎水 運八卦 掐總筋 清天河 一龍戲珠 運肘肘

也 煩熱者血氣兩盛腸腑實熱表裏俱熱煩躁不安皮膚壯熱是也如手足心熱甚者五心煩

也 治法 推三關 掐中平 瀉五經 掐十王 運八卦 揉外勞 分陰陽 退六腑

撈明月 打馬過天河 運肘肘 脾熱者舌絡微縮時時弄舌因脾臟積熱不可妄用涼

劑 治法 推三關 脾土 瀉心火 腎水 運八卦 分陰陽 掐總筋 推上三關

四退下六腑 十撈明月 運肘肘 虛熱者因病後血氣未定四體瘦弱時多發熱一日三

五次者此客熱乘虛而入宜調氣補虛其熱自退 治法 推三關 補五經 撈五指 運

八卦 撈明月 掐總筋 推上三關 退下六腑 十分陰陽 走氣飛經 運肘肘

八分陰陽 走氣飛經 運肘肘

走氣飛經 運肘肘

實熱者頭昏頰赤口內熱小便赤澀大便秘結肚腹結脹此實熱之症也宜下泄去腸腑之熱

即安 治法 推三關 瀉五經 推大腸 清腎水 運八卦 推膀胱 分陰陽 撈明月

月 退六腑 打馬過天河 飛經走氣 運肘肘 積熱者眼胞浮腫面黃足冷發熱從頭

至肚愈甚或惡聞飲食之氣嘔吐惡心肚腹疼痛 治法 三關 五經 脾土 大腸 心

經 三焦 腎水 運八卦 招總筋 分陰陽 撈明月 退六腑 飛經走氣 揉肘肘

疔熱者皆因過餐飲食積滯于中鬱過成熱脾家一臟有積不治傳之則腸而成五疔之疾若

脾家病去則餘腸皆安矣 治法 推三關 補脾土 推大小腸 三焦 運八卦 招總

筋 分陰陽 撈明月 推上三關_四 退下六腑_八 飛經走氣 運肘肘 血熱者每日

長已時發遇夜則涼世人不知多謂虛勞或謂疔熱殊不知此乃血熱症也 治法 推三焦

推上三關 退下六腑 分陰陽 運八卦 五經 招十三 招總筋 腎水 撈明月

揉肘肘 按弦搓摩 飛經走氣 骨蒸熱者乃骨熱而蒸有熱無寒醒後渴汗方止非皮膚

之外燒也皆因小兒食肉太早或素喜炙煖麪食之類或好食桃李楊梅瓜果之類或至冬月

衣棉太厚致耗津液而成或疔病之餘毒傳作骨蒸或腹內痞癖有時作痛 治法 三焦

六腑 運五經 分陰陽 清天河 撈明月 腎水 招總筋 大橫紋 打馬過天河

肚熱者一向不止皆因血氣壅實五腸生熱蒸熨於內故身體壯熱眠卧不安精神恍惚黃發

於外則素裏俱熱其則發驚也 治法 三關 六腑 肺經 分陰陽 推扇門 清心經

天河 五經 經總 運肘肘 撈明月 飛經走氣 溫壯熱與壯熱相類而有小異但

温温不其盛是温壯也出胃氣不和氣壅滯寒故蘊積體熱名曰温壯熱大便黃臭此腹内伏熱黃白酸臭則宿食停滯宜微利 治法 啼三關 六腑 五經 大腸 腎水 運八卦 膀胱 分陰陽 撈明月 打馬過天河 變蒸熱者陰陽水火蒸於血氣而使形體成就也 所以變者變生五腸蒸者蒸養六腑小兒初生三十二日為之一變六十四日為之一蒸十變五蒸計三百二十日變蒸俱畢兒乃成人也嬰兒之有變蒸譬如蠶之有眠龍之脱骨虎之轉爪皆同類變生而長也先看兒身熱如蒸上氣虛驚耳冷微汗上唇有白泡如珠或微腫如卧蠶者是其症也重者身熱所亂腹痛啼叫不能吃乳即少與乳食切不可妄投藥餌及推拿火灸若慢治之必致殺人故不立治法特書以告之

傷寒門

傷寒之病有多般一概推詳便覺難目面俱紅時噴嚏氣粗身熱是傷寒 傷寒一日遍身發熱頭疼腦痛人事昏沈胡言亂語 治法 推三關 六腑 天河 撈明月 分陰陽 運八卦 五指去 肘肘 無汗掐心經 内勞宮 肩井有汗 傷寒二日結胸腹脹咀食沈迷内熱外寒遍體骨節疼痛 治法 推三關 六腑 心經 分陰陽 運八卦 開胸胸 痛加肺經 飲食不進加脾土曲池 陽池 傷寒三日遍身骨節疼痛大小便不通肚腹作脹 治法 推三關 肺經 和陰陽 運八卦 開胸 揉肘肘 天河入虎口 四橫紋 撈明月 赤鳳搖頭 揉太陽 揉五指節 攢竹 曲池 肩井 傷寒四日脚疼腰痛眼紅口渴飲食不進人事顛亂 治法 推三關 六腑 曲池 虎口 二人上馬 掐五指

節 撈明月 飛經走氣 打馬過天河 傷寒五日傳遍經絡或大便不通小便自利或噎
氣霍亂 治法 推三關 天河 脾土 八卦 腎水 勞宮 肺經 打馬過天河 傷
寒六日氣血 虛弱飲食不進腰痛氣喘心疼頭痛 治法 推三關 肺經 橫紋 八卦
天河水 撈明月 赤鳳搖頭 按弦搓摩 飛經走氣 曲池 肩井 合谷 陰陽 傷
寒七日傳變六經發散四肢各傳經絡或痢或瘧加減推之 治法 推三關 六腑 天河
肺經 橫紋 腎水 八卦 和陰陽 天門虎口 揉肘肘 曲池 肩井 太陽 推脾
土 若瘳瘡揉五指中節 易者推之而後用此法即效

嘔吐門

面青唇白胃曾驚吐喎黃痰冷熱并乳食不通乾嘔逆調和脾胃立惺惺 有物有聲名曰嘔
乾嘔則無物有物無聲名曰吐嘔者有痰吐則無聲嘔吐出物也胃氣不和足陽明經胃脉絡
而兼之氣下行則順今逆上行作嘔吐有胃寒胃熱之不同傷食胃虛之各異病既不一治亦
不同諸吐不思食要節乳凡吐不問冷熱久吐不止胃虛生風恐成慢驚之候最宜預防如已
成慢脾風症常嘔腥臭者胃氣將絕之兆也 熱吐者夏天小兒遊戲日中伏熱在胃或乳母
感冒暑氣承熱乳兒或過食辛熱之物多成熱吐其候面赤唇紅五心煩熱吐次少而出多乳
片消而色黃是也 治法 推三關 脾胃 肺經 十王穴 掐右端正 蓮水入土 八
卦 分陰陽 赤鳳搖頭 搖總經 六腑 揉肘肘 冷吐者冬月感冒風寒或乳母又寒
承寒乳兒冷氣入腹或食生冷或傷宿乳胃氣不納乳片不化喜熱惡寒四肢逆冷脉息沈微

吐次多而出少者具也 治法 推三關 補脾胃 肺經 掐右端正 八卦 分陰陽

黃蜂入洞 赤鳳搖頭 三關 八十六腑 二十四肘 傷食吐者夾食而出吐必酸臭惡食

胃痛身發潮熱是也 治法 推三關 五指共 掐右端正 推脾土 八卦 分陰陽

撈明月 打馬過天河 六腑 肘肘 虛吐者胃氣虛弱不能停留乳食而作吐也 治法

推三關 補五經 多補脾胃 掐右端正 運土入水 八卦 分陰陽 赤鳳搖頭 三

關^四十六腑 補大腸 肘肘

泄滯

肝冷傳脾臭綠青焦黃脾土熱之形肺傷寒色膿粘白赤熱因心腎熱成 胃為水穀之海其

精英流布以養五臟糟粕傳送以歸大腸內由生冷乳食所傷外因風寒暑濕所感饑飽失時

脾不能消冷熱相干遂成瀉利若脾胃合氣以消水穀水穀既分安有瀉也蓋脾虛則吐胃虛

則瀉脾胃皆虛吐瀉並作久瀉不止元氣不脫必傳慢驚宜大補之 治法 推三關 心經

清腎水 補脾胃 掐左端正 側推大腸 外勞宮 陰陽 八卦 揉臍及龜尾 掐

壯角兩傍 補湧泉 掐承山 寒症加黃蜂入洞 三關六腑肘肘熱症如撈明月 打馬

過天河三關 六腑 肘肘 霍亂者揮霍撩亂也外有所感內有所傷陰陽垂隔上吐下痢

腸攪悶痛是也 治法 推三關 肺經 八卦 補脾土 大腸 四橫紋 陰陽 二人

上馬清雙龍擺尾又將獨蒜一個搗碎將燒紙隔七層敷臍若起泡用雞蛋清塗之即愈

腹痛

大凡腹痛初非一不特癥瘕與痘癖分條析類症多端看取論中最詳悉 蓋小兒腹痛有寒有熱有食積癥瘕偏墜寒疝及疔蟲動痛諸痛不同其名亦異故不可一概而論之熱腹痛者乃時痛時止是也暑月最多 治法 三關 六腑 推脾土 分陰重陽輕 黃蜂入洞 四橫紋 寒腹痛者常痛而無增減也 治法 三關 運五經 二扇門 一窩風 按弦走搓摩 八卦 揉臍及龜尾 氣滯食積而痛者便秘心胸高起手不可按是也 治法 推三關 分陰陽 推脾土 揉臍及龜尾 掐威靈 若腹內腹內膨脹推大腸 冷氣心痛者手足厥逆偏身冷汗其則手足甲青黑脉沈細微是也 治法 推三關 八卦 分陰陽輕重 補腎 二扇門 黃蜂入洞 鳩尾 前後重操要葱姜推之發汗

痢疾門

小兒下痢細尋推不獨成疳積所為冷熱數般雖各異寬腸調胃在明醫 赤白之痢世人莫不曰赤為陽為熱白為陰為冷或曰無積不成痢若以冷熱之互治法必難取效不究其原何由可療且四時八風之中人五運六氣之相勝夏秋人多痢疾內經曰春傷於風夏生食泄豈可拘於無積不成痢之說豈一歲之中獨於夏秋人皆有積乎蓋風邪入胃木能勝土不為暴下則成痢疾赤白交雜此為陰陽不分法當分正陰陽為主 夾熱而痢者則痢下紅色此風能動血也 治法 推三關 六腑 清心經 和陰陽 推大腸 脾土 八卦 腎水 揉臍及龜尾 夾冷而痢者則下純白凍或白上有粉紅色或似猪肝瘀血皆為陰症蓋血得寒則凝故也 治法 推三關 八卦 脾土 大腸 和陰陽 天門虎口 揉臍及龜尾

瘧疾

夏傷于暑秋成瘧間日連朝不少差解表去邪須次第再宜養胃固脾家 夏傷于暑秋必病瘧謂腠理開而汗出遇風或得于澡浴水氣含於皮膚因衛氣不守邪氣并居其疾始作伸欠寒慄腰背俱痛骨節煩疼寒去則內外交熱頭疼而熱乃陰陽二氣交爭虛實更作而然陰氣獨勝則陽虛故先寒戰慄陽氣獨勝則陰虛故先熱陰盛陽虛則內外皆寒陽盛陰虛則內外俱熱陰陽各衰衛氣與病氣相離則病愈陰陽相搏衛氣與病氣再集則病復各隨其衛氣之所在與所中邪氣相合而然也 瘧疾兼嘔吐肚疼者 治法 推三關 脾土 分陰陽

揉臍 運卦 瘧瘧一日一發者 治法 推三關 肺經 分陰陽 八卦 按弦搓摩

久瘧不退而脾氣虛弱者 治宜補脾土 二百分陰陽 一百運八卦 二百 邪瘧至晚發者

治宜推三關 五十脾土 一百分陰陽 三百八卦 六腑 二百 天門入虎口 瘧瘧但熱無寒者

治宜推三關 脾土 分陰陽 八卦 肺經 六腑 間使內關 天門入虎口

肘肘

疔疾

五疔五臟五般看治法詳推壘不難若見面黃肌肉瘦齒焦髮豎即為疔 大抵疔之為病皆因過貪飲食於脾家一臟有積不治傳之餘臟而成五疔之疾若脾家病去則餘臟皆安苟失其治日久必有傳變而成無辜之疾多致不救可不慎哉 治宜推三關 六腑 脾土 運八卦 大腸 五經 心經 清天河水 版門運水入土

積症門

頭及身熱腹微脹足冷神昏小愛眠因食所傷脾氣弱下宜遲緩表宜先 兒所患積症皆因乳食不節過食生冷堅硬之物脾胃不能克化積滯中腕外為風寒所籠或因臥失蓋致頭疼面黃身熱眼泡微腫肚腹膨脹足冷肚熱喜睡神昏飲食不思或嘔或噦口噫酸氣大便腥臭此為陳積所傷先宜發表後宜攻積 治宜推三關 六腑 多補脾土 掐四橫紋 補腎水 分陰陽 掐大腸 揉腹門 小橫紋 運八卦退良重三扇門 天門入虎口 發熱腹痛如水底撈明月 大便秘結多推六腑 小橫紋揉掐腎水 腹痛泄瀉掐一窩風揉臍及龜尾

痞症

本因積久成頑結男左傍骨如痛協俗云龜勞不須聽化癖調脾自安祐 夫痞與否同不通一也小兒乳哺不節久停於脾不能剋化結成痞癖突於脇下或左或右俗云龜勞其疾皆因積滯蘊作致有寒熱肚腹疼痛晝涼夜熱氣實者先攻其痞後投補益氣虛者先與調固脾胃神色正稍飲食多進後宜攻之若面黃唇白髮豎肌瘦乃為虛極不可輕下但徐徐調理為上 治宜推三關 脾土 大腸 肺經 四橫紋 腹門 精甯 二扇門 清腎水 運五經 小橫紋 運八卦 小天心 黃蜂入洞 赤鳳搖頭 久揉脾土

癩症

驚傳三搖後成癩嚼沫牙關目上翻明辨陰陽參色脉不拘輕重總風疾 古人議癩最多大

准 拿 廣 意 卷 中

抵胎內受驚及聞大聲大驚而得蓋小兒神氣尚弱驚則神不守舍舍空則疾涎歸之而昏亂
旋暈顛倒口眼相引目直上視手足搖擲背脊強直或發時作牛馬猪羊雞犬之聲便致僵仆
口吐涎沫不省人事凡得此症大屬風疾鬱結上迷心包宜多投疎風化痰順氣鎮驚之劑更
須臨症參詳乃無失也 治宜推三關 六腑 肺經 脾補土 天門入虎口 揉肘肘
掐版門 精宮 富風 運天心 掐五指節 分陰陽 運八卦 赤鳳搖頭 按弦搓摩
威靈穴 揉中指 掐總筋 灸崑崙

咳嗽門

咳嗽雖然分冷熱連聲因肺感風寒眼浮痰盛喉中響戲水多因汗未乾 夫咳嗽者未有不
因感冒而成也經曰肺之令人咳何也岐伯曰皮毛者肺之合也皮毛先受邪氣邪氣得從其
合則傷于肺是令嗽也乍煖脫衣遇風暴熱汗出未乾遽爾戲水致令傷風咳嗽初得時面赤
唇紅氣粗發熱此是傷風痰壅作嗽日久津液枯耗肺經虛矣肺為諸臟華蓋卧開而坐合所
以卧則氣促坐則稍寬乃因攻肺下痰之過名曰虛嗽又當補脾而益肺藉土氣以生金則自
愈矣 治宜推三關 六腑 肺經^註 十二扇門 二人上馬 五總^六轉^六多揉肺愈穴
掐五指節 合谷 運八卦 多揉大指根 掐精宮穴 湧泉 天門入虎口 版門 痰
結壅塞多運八卦 痰壅氣喘掐精靈穴再掐版門 乾咳退六腑 痰咳推肺經推脾清腎
運八卦 氣喘掐飛經走氣并四橫紋

腫脹

古今議腫是脾虛大抵多從濕熱為十種根同各調治詳分補瀉在臨機 古方有十種論症
然脉浮為風虛沈伏為水病沈則脉絡虛伏則小便難即為正水脾脉虛大多作脾腫因循不
治乃放水腫蓋脾屬土喜燥而惡濕土敗不能制水則停蓄不行留滯皮膚故作浮腫初得病
時是眼胞早晨浮突至午後稍消然此症夏與秋冬治之頗易惟春不然蓋四時之水無如春
泛溢兼肝木旺而脾土受尅不能制水所以難療進退不常須徐徐調理取效大凡小兒浮腫
先用發散然後行泄法 治宜推三關 一百 推脾土 一百 黃蜂入洞 十下 運五經 五十二 扇門
二十 掐威靈 二十 天門入虎口 二十 肘肘 二十 以上瀉法 瀉後補法推脾土 一百 分陰陽 一
百 補腎 一百 運土入水 四十 天門入虎口 肘肘 各二 春夏用水秋冬用薑蔥真麻油推之
再用酒一盞飛鹽少許皂角一片為末黃土一鍾同炒布包倒合掌心掐大指節即消

目疾門

小兒目疾忽然紅蓋因肝臟熱兼風散風清火斯為妙痘後須知宜別攻 火眼之症治宜補
腎 五百 推天河 五百 六腑 五百 分陰陽 三百 運八卦 二百 推脾土 一百 水底撈明月 一百 合骨
曲池 肩井 各一 風眼之症治宜推三關 三百 揉腎 三百 掐五指節 一百 分陰陽 三百 運
八卦 二百 推天河 二百 六腑 一百 水底撈明月 一百 合骨 曲池 肩井 各一

雜症門

小兒頭瘡治宜推三關 一百 推肺 一百 分陰陽 一百 推脾 一百 揉太陽 一百 揉陽池 一百 小
兒口内生瘡治宜退六腑 一百 分陰陽 一百 撈明月 二十 清天河 二百 清腎水 二十 鳳凰單展

翅十下 小兒偏墜治宜推三關五十推腎四百揉版門二百分陰陽二百八卦二百天河二

百三陰交一截承山穴一百外用艾茸為囊將腎子兜之甚效 小兒停耳流膿治宜推三關

一百六腑一百推脾十五將耳珠揉行前補瀉法二十 小便黃赤可清之治宜清腎水指六

推往下指二人上馬 運水入土 如大小便俱閉只宜分陰陽為主 小兒眉目不開治宜

指陽池穴宜久揉再推五橫紋 小兒口渴咽乾者氣虛火動也清天河為主 小兒四肢厥

冷治宜推三關補脾土為主 小兒口啞不能語言乃痰迷心竅也清肺經為主 小兒手不

能伸屈者風也宜威靈穴揉之四肢軟者血氣弱也宜補脾土指四橫紋手掐拳者心經熱也

急掐撈明月仍運八卦 小兒頭痛揉臍及陽池外勞宮頭向上者宜補脾土運八卦為主

一驚風不省人事灸上星湧泉大指甲側 一發熱目上視宜瀉心經指中平穴橫門中指俟

眼正起指 一眼左視指右端正穴右視指左端正穴中指中節外邊是 一吐血兩大指甲

後一韭葉即母臍穴許平格 一汗多是腎虛多推補腎水汗即止 一日間病重宜抑陽

一夜間病重宜抑陰 一子後火盛者是陽火宜瀉之午後火盛者是陰火宜補之 一先熱

後寒者陰干陽宜先瀉後補 一先寒後熱者陽干陰宜先補後瀉 一推浮腫者脾土宜補

陰陽宜分腎水宜先補後瀉用燈火太陽五心脊骨上各灸愈 一揉五指節化痰用之 一

推三焦治心氣冷痛 一推命門止腰痛補下元 一推橫紋通上下之血氣 一推版門止

小腸之寒氣 一揉小天心治腎水枯短 一截三關祛腰背之風寒 一截風池止眼瘡頭

疼 一截崑崙救半身不遂大小便澀 一截曲池通肺腑氣血治麻痺半身不遂 一世龜

尾骨上一焦 大便多而穢者不可止 一吐心窩上下四焦 一口水多而推脾土 一脚軟鬼眼一焦 一手軟倒踮後拐節彎上一焦 一內熱外寒者掐腎水即止 一外熱內寒者掐陽筋汗出為度 一頭軟 心膈上一焦 一作寒掐心經轉熱 一作熱掐腎經轉涼 一口我開多揉脾心口一焦 亦有心窩揉者又有研硃砂一分吹鼻即開 一上吐下瀉多推胃與陰陽燈火五心提之肚上五火背上五火效 一無門有紋如針人眼五色皆王死 一凡推法必似線行毋得斜曲恐動別經而招患也 一治鼻乾年壽推下兩寶瓶效或曰多推肺經以鼻乃肺竅故也 一久揉脾土後心以肚響應之謂之內消 一脊骨自下緩緩推上雖大人可吐也 一小兒望後跌承山掐之 一三里屬胃久揉止肚疼大人胃氣痛者通用 一小兒望前撲者委中掐之亦能止大人腰背疼 一便秘者燒酒在腎俞推上龜尾推膀胱推下承山但脚裡邊在承山傍抽骨處亦要推下而推此順氣之法無急脹之患若泄瀉亦要逆推使氣升而泄可止 一兩手抄停食指盡處為列缺止頭疼中指盡處為外關止腰背痛用大人通 一掐靠山即合谷少商內關刺瘡用之 一掐精靈治氣喘口歪眼偏哭不出聲口渴 一掐總經推天河治口内生瘡吐熱人事昏沉 一掐大指母腮穴止吐血 一掐湧泉治痰壅上重則灸之 一揉二大指頭項向外轉三十六隨掐之志醒脾消食 一推車掐勞宮所以定氣 一板門推上橫門可吐橫門推下板門可泄二穴許對掐之 一運水入土治身弱肚起青筋白水盛土枯 一運土入水治外由作脹眼睜曰土盛水枯 一危症先劈面吹氣一口若眼皮連動睛活轉可救若魚目脾絕不治 一生血順氣天門入虎口

揉肘肘 一推驚不可拘推三週一之說但推中迴幾下便是 一論穴有分寸者以小兒中指屈中節度之為寸折半為五分非尺之謂 一驚之義驚之為言筋也筋見是也 一當時被嚇補童子窳以手提耳三四次效

小兒壞症一十五候

眼生赤脈絕也貫瞳人顛門凸起又作坑指甲黑色肝絕鼻乾燥肺絕鴉聲肺絕忽作吐青筋脾絕虛

舌出口心絕咬牙腎絕目多直視五腑絕不轉睛魚口肺絕氣急肺絕啼不得蛔虫既出脾胃絕死形真

手足擲控經過節靈丹妙劑也無生

斷小兒面色惡症死候

齒如黃熟豆骨氣絕一日死 面青目陷肝氣絕二日死 面白鼻入青輪肺絕三日死 面

黑耳黃呻吟腎氣絕四日死 面上死筋心氣絕五日死 口張唇青尾枯脉絕六日死 面

目四肢腫脾絕九日死大凡兒病足跌耳腫大小便不禁皆死候也 忽作鴉聲者是大腸絕

也不治 魚口氣粗出而不返者是肺絕也不治 肝藏血目乃肝之外應爪甲青黑血脈不

蔭及目無光彩筋縮則兩手抱頭是肝絕不治 眼睛屬腎腎有兩筋自背脊直貫腦兩貫其

二睛腎絕兩目向上目不動者不治 腎乃骨之主腎絕則齒齋咬牙咬人者不治 鼻乃肺

之外應孔乾黑燥臭肺絕不治 面色黑黔者不治 唇乃脾之外應唇縮而不蓋齒者是脾

絕不治 胃主肌膚四肢胃絕則毛髮墜手足不能收管者不治 四肢汗出如油是榮衛俱

絕陰陽離津液散四肢如粘膠者不治 頭偃于後天柱骨痿心絕頸骨不戴不治或以為五

軟非也。心主血舌乃心之外應舌短則語言不明心絕則血不流行身不溫暖及顛凸起或陷作坑目多直視是皆必死不治。飲水不敷是肺胃俱絕其水直下大腸中去必死。痢如死鵝鴨血者是心絕或臭穢不糟湯血水者不治凡有頑涎出口鼻者是風痰塞關竅血脈不行不納湯藥者不治。心寒者脈絕也故令肺脹不治。喉中拽鋸口吐白沫是風痰閉竅面色青黑五孔乾燥不治。

以上諸症是臟腑俱敗榮衛相離氣脈不生皆不治之症同有其症而救之十或一二者也

楚清江陳世凱紫山重訂

仁和王元璐爾調參閱
東川熊應雄運英纂輯
梓州趙鳳鳴岐全較

附方

開乳方 初生小兒對晝先以甘草煎汁進一二匙以下胎毒然後進乳

洗三方 用苦楝皮煎水洗之可免瘡疥虫虻之患

延生第一方 小兒臍帶落時將丸焙乾為末每一分配飛過硃砂五厘以生地黃官黃連當

歸身煎濃汁一二蚬殼和前末抹兒口中或乳頭上一日服完次日大便下污濁之物終身

可無痘疹瘡毒之患真延生第一妙方也

胎毒門

紅褐散 初生小兒臍帶落後風水侵臍以致濕爛 紅色絨褐不拘多少燈上燒灰為細末

敷于臍上外以太乙膏貼之

龍骨散 龍骨不拘多少入炭火內煨令通紅取出冷定研為細末敷于臍上外以膏藥貼之

蝎稍散 治百日内撮口臍風及胎風 蝎稍四箇研碎蠶四箇研片腦少許麝香少許先將薄荷

葉包紫蝎蠶在內炒薄荷葉乾為度共研細入腦麝再研勻用紫雄雞肝煎湯調下 按臍

風撮口若兩眉青色臉赤腹脹者不可治也

大連翹飲 治胎中受熱生下遍體赤色大小便不利及重舌木舌鵝口瘡瘍等症

柴胡 防風 荊芥 連翹 黃芩 山梔 木通 滑石 車前 瞿麥 蠅蛇 赤芍

甘草

五福化毒丹 治胎熱目閉頰赤鵝口瘡瘍重舌木舌喉蛾垂癱遊風丹毒二便閉結

玄參三兩 桔梗三兩 甘草七錢 牙硝五錢 青黛一兩人參七錢 茯苓五錢 共末之煉蜜為丸

如芡實大硃砂為衣薄荷湯下

瘡疹後餘毒上攻口齒爛生地黃汁化下 小兒上脘有白點如粟米狀名曰鵝口以青

布蘸苦茶刮去惡血不至落下喉中即以京墨塗之又以甘草黃連汁和硃砂末生蜜飲之

解毒

水雄散 治小兒鵝口馬牙重舌木舌 雄黃一錢 硼砂一錢 甘草末五分 冰片一分為末擦

口內 鈎藤湯 治初生小兒啼哭而手足拳縮身灣如蝦者盤腸癩也

鈎藤鈎一錢 枳殼五分 延胡索五分 甘草二分 水半鍾煎至二分不拘時服

驚風門

至聖保命丹 治胎驚搐搦疾感及一切急慢驚風 天南星 炮 殭蚕 炒 法 防風 各五 全蝎 三

洗焙乾 白附子 炮 天麻 煨 蟬蛻 各 四 雄黃 一 錢 麝香 少 許 右 為 末 蜜 丸 一 錢 重 硃 砂 金

箔為衣薄荷燈心湯化下

抱龍丸 治傷風瘟疫身熱昏睡氣粗風熱疾實壅嗽驚風潮搐及蠱毒中暑沐浴驚悸之後

並宜預服 牛胆南星四兩 天竺黃一兩 硃砂 雄黃錢五 麝香一錢 石研極細加麝再

研勻以甘草膏和為丸 兒莢子大薄荷湯下

黃連安神丸 外物驚者元氣本不病此方治之 黃連酒炒五錢 硃砂細研 生地黃 當歸各一

甘草錢五 右為細末蒸餅為丸如菘豆大每服十九丸津下

參蘇飲 解驚風煩悶痰熱作搐咳嗽氣逆脾胃不和 人參 紫蘇 前胡 乾葛 半夏

赤茯苓各五錢 枳殼 橘紅 桔梗 甘草錢五 右剉碎每服二錢水一鍾煎七八分無

時溫服

木通散 小兒心肝有熱驚悸用此藥瀉肝風邪心火利驚熱 羌活 山梔子各二錢 黃煨

木通 赤茯苓 甘草錢一 右剉碎每服二錢入紫蘇葉二片水一鍾煎五分不拘時服

加味導赤散 利小便去心熱定驚悸止搐搦 生地黃上木通上防風中甘草中山梔子中

薄荷葉下 麥冬中 入燈心竹葉同煎

通關散 治小兒驚風搐搦關脈不通牙關緊急 南星炮 僵蚕各一錢 麝香一厘 牙皂角二錢

存性 赤足蜈蚣一條 右為末以手點薑汁蘸藥少許擦牙或用物引滴入藥兩三點涎自

出口自開

天麻防風丸 治驚風身熱氣喘多睡驚悸手足搐搦 天麻 防風 人參各一錢 甘草 硃

砂水飛 雄黃各五分 蝎尾炒 僵蚕炒各五錢 牛黃 麝香各一錢 右為末煉蜜丸櫻桃大硃砂為

衣每一丸薄荷湯化下

鎮肝丸 治急驚風目直上視抽搐昏亂不省人事是肝經風熱也 天竺黃 生地黃 當

歸 竹葉 龍胆草 小川芎 大黃煨 羌活 防風各五分 右為末煉蜜丸如芡實子

大每服二九砂糖水化下

珍珠丸 治驚風痰熱壅盛及吊腸鎖肚撮口絕效 南星炮 天麻煨 白附子炮各一錢 膩粉 五分

巴霜一厘無美妙去 全蝎麩炒 滑石水飛各一錢五分 右為末糊丸粟米大一歲五七九二歲十

九大小加減薄荷湯點茶送下

定志丸 治驚已退神志未定以此調之 琥珀 茯神 遠志肉薑製 人參 白附子炮 天

麻 天門冬 甘草炙 棗仁炒 右為末煉蜜丸皂子大硃砂為衣每服九燈心薄荷湯下

保生錠 通治急慢驚風痰涎壅塞口眼歪斜四肢搐搦天癩驚惕并睡中驚跳夜啼驚哭及

跌撲驚恐並宜治之 代赭石醋煨七次 蛇含石醋煨七次 殭蚕 胆南星 鈎藤鈎 白茯神

鏢一全蝎 天麻 枳實各五錢 白附子炮 薄荷葉各四錢 天竺黃六錢 硃砂五錢 雄黃三錢 冰

片一錢麝香四分 右為末水煮糯米糊和成錠每錠重五分薄荷湯化服慢驚棗薑湯化

服夜啼不安燈心湯下

甯志丸 治心經血虛驚悸恍惚服之安神定志 人參 白茯苓 茯神 柏子仁 琥珀

當歸 棗仁 遠志各五錢 乳香 硃砂 石菖蒲各三錢 右為末蜜丸桐子大每服二三十

丸食遠棗湯送下 醒脾散 治吐瀉日久轉成慢驚神昏目慢多困有痰 人參 白朮 木香 白茯苓 白

附子炮天麻

全蝎天麻各等分

右為末每服一錢薑一片棗一枚去核煎湯調下

補脾益真湯

治胎氣素弱而成陰癩氣逆涎潮眼目直視四肢抽掣或因變蒸客忤及受驚

誤服涼藥所作

官桂 當歸 人參 黃耆 丁香 訶子 陳皮 厚樸薑製甘草

草果 肉豆蔻煨

茯苓 白木 桂枝 半夏湯泡 附子炮各 全蝎炒 右咬咀每服三

錢加全蝎一枚水一盞半姜一片棗一枚煎六分稍熱服服訖令揉心腹以助藥力候一時

方與乳食 渴者加人參茯苓甘草去附子丁香肉蔻 瀉者加丁香訶子肉 嘔吐加丁

香半夏陳皮 腹痛加厚樸良姜 咳嗽加前胡五味子去附子官桂草果肉蔻 足冷加

附子丁香厚樸 惡風自汗加黃耆桂枝 痰喘加前胡枳實赤茯苓去附子丁香肉蔻草

果 氣逆不下加前胡枳實去當歸附子肉蔻 腹脹加厚樸丁香枳殼

小兒誤服涼藥或用帛蘸水繳口因此傷痛脾胃或泄瀉或腹脹或腹中響小兒顛顛高急頭

縫青筋時便青糞

小兒肥壯而糞如清涕或如凍汁 小兒時時札眼糞便青白沫時有乾硬 以上五證忽然

嘔吐者必成陰癩即慢驚是也小兒頭雖熱眼珠青白而足冷或腹脹或口破爛或泄瀉或

嘔吐或口渴或目赤而足冷者皆無根之火逆也速服補脾益真湯

木附湯 白木四兩 甘草二兩 附子炮去皮 右為末每服三錢姜三片棗一枚水煎服按附

子回陽溫中為慢驚之聖藥也如元氣未脫用之無有不效

聚寶丹 治慢驚 人參 茯苓 琥珀 天麻 殭蚕 全蝎 防風 膽星 白附子 胆

烏蛇肉酒浸焙 各一錢 硃砂 五分 麝香 少許

右為煉蜜丸 桐子大 每二九 菖蒲湯下

生附四君子湯

治吐瀉不思乳食 凡虛冷病先與數服以正胃氣

人參 白朮 附子

木香 茯苓 橘紅 甘草各等分

右為末 每服五分 姜湯送下

醒脾湯

治小兒慢脾風 因吐利後虛因昏睡欲生風痼

厚樸 白朮 天麻 全蝎 硫

黃入豆腐中防風

官桂

人參 各一

右為細末 酒浸蒸餅和丸 如芡實大 每服一九 糯米

飲湯化下

奪命散

大能控風 涎不問急慢驚風 痰壅塞其响如潮 藥難下 咽命在須臾 先用此藥入

喉疾即墮下 功有萬全 奪天地之造化也

青礞石一兩入罐內同焙 通紅須硝盡為度 候冷如金色用 右

為細末 急驚風 痰壅 上熱如火 用生薄荷自然汁 入密調 微溫服之 良久其藥自裹痰墮下

從大便出 如稠涕 膠粘乃藥之功也 次服退熱却風 截驚等藥 慢驚風亦以痰涎朝上塞住

咽喉藥食俱不能入 醫者技窮 勢迫以待其盡 但用此藥 以青州白丸子再研為末 煎如稀

糊 熟蜜調下 其涎即墜入腹 次服木附等藥

青州白丸子

治小兒驚風 大人諸風

半夏生七兩

南星生三兩

白附子生二兩

川芎生半斤

右

為末 以生絹袋盛 井花水擺出 如有渣滓 復研再入 絹袋擺盡 為度 於磁盆中 日晒夜露 至

晚 撤去 舊水 別用 井花水 攪又晒 至來日 早再換新水 攪如此法 春三夏五 秋七冬十日 去

水 晒乾 如玉片 研細 糯米煮粥 清丸 如菜豆大 每服三五丸 薄荷湯下 癰風酒下 並不拘時

琥珀抱龍丸

抱龍之義 抱者保也 龍者肝也 肝應東方 青龍木 木生火 所謂生我者父母也

肝為母心為子母安則子安心藏神肝藏魂神魂既定驚從何生故曰抱龍丸理小兒諸驚
四時感冒風寒瘟疫邪熱致煩燥不甯痰嗽氣急及瘡疹欲出發搐並宜可投 真琥珀兩

錢五 天竹黃兩 檀香細剉人參去蘆白茯苓兩五錢各一粉草三兩兩節積殼去穰炒積實各一錢
硃砂三錢先以磁石引去鐵屑次用水乳鉢內細研取浮者山藥十兩珍珠五錢牛黃一錢
胆南星一兩 金箔四百 右研極細末煉蜜為丸每丸五分重其約性溫平不寒不燥驅風

化痰鎮心解熱安魂定驚理脾健胃添壯精神薄荷湯下 傷風發熱鼻塞咳嗽葱白湯下
疹痘見形驚跳白湯下 因着驚發熱睡卧不甯燈心湯下 夏月發熱嘔吐麥門冬湯

下 因喫母發熱病乳致身熱不甯甘草湯下 脾胃不和頭熱黃瘦懶食砂仁湯下 痰
涎壅塞生姜湯下 並不拘時服初生數月者每丸作四次服或三分之一或半服數歲者

每服一丸量小用大小加減也
諸熱門

生犀散 治心經虛熱 生犀角鎊取末 地骨皮 赤芍藥 柴胡 乾葛各一錢 甘草炙五錢

右為細末每服二錢水二盞煎七分溫服

地骨皮散 治虛熱潮作應時而發如潮信之不失其期也亦治傷寒壯熱及徐熱 知母
甘草炙 半夏 銀柴胡 人參 地骨皮 赤茯苓各等 如有驚熱加蟬蛻天麻黃芩若加

秦光名秦光飲
十味人參散 治潮熱身體倦怠 柴胡 甘草 人參 茯苓 白朮 黃芩 當歸 白

惟拿黃意 卷下 四

芍 葛根 加薑三片水煎服

大柴胡湯 解利風熱疾嗽腹脹及肚症未解而潮熱 柴胡 四兩 黃芩 白芍 各半 大黃

半夏 製各七 枳實 七錢 甘草 一兩 小方 右剉劑 每服二錢水一盞姜二片煎七分溫服無時

天竹黃散 治小兒驚風熱 天竹黃 川鬱金 山梔子 殭蚕 炒去蟬蛻 去上 甘草 等分

右為末每服五分熱水薄荷湯皆可服不拘時

甘露散 治小兒驚熱通利小腸去驚涎清心止煩安神穩睡 寒水石 研輕而微青中 石膏

二兩 甘草末 一兩 右為末和勻量免大小或一錢或五分熱用冷服寒用熱服用薄荷湯

或燈心湯調服 被驚心熱不甯睡卧不安皆可服 小便不通加麥門冬燈心湯調下

加硃砂名加砂甘露散一方有赤茯苓一兩尤妙

四順清涼散 治三焦積熱遍身紅腫口唇生瘡驚風潮熱大便閉結 當歸 赤芍藥 二錢

川大黃 五錢 炙甘草 五分 右為末每服一錢薄荷湯下如小便不通燈心湯下

梔子清肝散 治三焦及足少陽經風熱耳內作癢身熱生瘡或胸間作痛寒熱往來 柴胡

黑梔 丹皮 各一錢 茯苓 川芎 芍藥 當歸 牛蒡 炒各 甘草 三分 右水煎服

柴胡清肝散 治肝胆三焦風熱怒火或乍寒乍熱或身熱頭暈發瘡等症 柴胡 一錢 黃

芩 炒 川芎 各一錢 黑梔 五分 連翹 甘草 各五錢 桔梗 五分 右水煎服

滋腎丸 治腎熱 黃柏 酒拌炒 三錢 知母 二錢 肉桂 五分 右為末水法丸桐子大每服二十九

至三十九空心白湯送下

牛黃涼降丸 治風墮痰塞蘊積不散頭痛面赤心煩潮熱痰涎壅塞咽隔不利睡卧不安口

渴唇焦咽痛頰赤口舌生瘡 牛黃一錢甘草一兩寒水石 牙硝枯石膏各一錢紫石英

片腦 麝香各五分 膽星五分 右蜜為丸重三分薄荷人參湯嚼下一丸

三黃丸 治三焦積熱眼目赤腫頭頂腫痛口舌生瘡心胸煩燥大小便秘澀五臟實熱或下

鮮血瘡癩熱毒 黃連 黃芩 大黃各一分 右為末煉蜜丸桐子大每服一二十九白湯下

火府丹 治小兒壯熱 生地黃 木通 甘草 黃芩 右水煎服

金蓮飲子 治小兒壯熱潮熱眼赤口瘡心煩燥悶咽乾多渴 防風 甘草 芩連翹 柴胡

山梔子各等 右為末每服二錢水煎服

梔子仁湯 治陽毒壯熱骨節痠痛下後熱不退者 梔子仁酒炒 赤芍 大青 知母各一

升麻 黃芩 石膏各二錢 柴胡一兩 甘草五錢 杏仁二兩 右為粗末每服三錢薑三片煎服

五物人參湯 治壯熱咳喘心腹脹滿 人參去蘆 甘草各半兩 麥門冬去心 生地黃各兩半 茅根

半握 右每服二三錢水煎服

柴芩湯 治小兒溫壯伏熱來去 柴胡五錢 麥門冬 人參去蘆 赤茯苓 甘草各二分 黃

芩五錢 右剉散每服二三錢加小麥二十粒竹葉三片水煎服

三黃犀角散 治溫壯心熱神志不安六腑秘結 大黃酒浸 黃芩 黃梔子 犀角屑 鈎

藤鈎 甘草 各等分為末每服五分熱湯調下量兒加減

地骨皮散 治小兒骨蒸潮熱往來心膈煩悸及傷寒後餘熱未解

柴胡去芦 地骨皮各二兩 知母 甘草炙 龍甲醋炙 黃芩 人參各二錢半 赤茯苓五錢 右剉碎

一歲二錢水六分姜梅一片煎三分不拘時服

靈犀飲 治骨蒸潮熱盜汗咳嗽少食多渴面黃肌瘦肚急氣粗虛熱餘熱通用 犀角屑

胡黃連各半 白茯苓 人參 川芎 秦艽 甘草 地骨皮 羌活 柴胡 桔梗各一

右剉散每服二三錢加烏梅竹葉各少許水煎服

絳雪丹 治小兒煩熱 芒硝一兩 硃砂一兩 右為末飯丸芡實大三歲一九沙糖水化

竹葉石膏湯 治小兒虛羸少氣氣逆欲吐四體煩熱 石膏二兩 半夏製 人參各五分 麥門冬去心 甘草五分 竹葉半把 右剉碎每服二錢加梗米三十餘粒生薑一片水煎服

龍膽丸 治小兒食後多發熱至夜則涼此血熱症疳熱亦治 宣黃連去毛 赤芍各半 龍胆草去苗 青皮去穢 各二錢 檳榔大 藜蘆香少許 右為末豬胆汁入少麩糊為丸蘿蔔子大每服

二三十丸米飲湯空心服

六合湯 治小兒血熱每日巳午時發熱至夜則涼 當歸 大黃 川芎 熟地黄等分 水煎服

四物二連湯 治血虛勞五心煩熱晝則明了夜則發熱脇肋刺痛并一身盡熱日脯肌熱 當歸身 生地黃 白芍藥 大川芎 宣黃連各等分 水煎服

保和丸 治脾胃不和飲食停滯胸脹肚疼噯氣吞酸身熱肚痛或吐或瀉用此去滯消食退

熱寬胸 山查肉二兩 神麩 麥芽 陳皮 半夏 茯苓 砂仁 香附各一 萊菔子

連翹各半 水法為丸白滾湯下

當歸補血湯 治肌熱躁熱目赤面紅煩渴晝夜不息其脈洪大而虛重按全無此脈虛血虛

也若誤服白虎湯必死宜此主之 黃耆二錢 當歸 右用水鍾半煎五分服

補中益氣湯 治中氣虛弱體疲食少或發熱煩渴等症 人參 黃耆各八分 白木上炒 甘草

炙陳皮各五分 升麻 柴胡各二分 當歸三分 右姜棗水煎服

加味逍遙散 治肌脾血虛發熱等症 當歸 甘草炙 白芍 酒炒 茯苓去皮 白木炒 柴胡各

錢 丹皮 山梔七錢 去丹皮山梔即逍遙散 右水煎服

惺惺散 治變蒸發熱咳嗽痰涎鼻塞聲重 人參 白木 甘草 桔梗 白茯苓 天花

粉 細辛根 白芍 薄荷少許 右用水薑煎服

柴胡散 治變蒸骨熱心煩啼叫不已 人參去芦 甘草炙 麥門冬去心各二錢 草龍胆酒炒 防風

錢各 柴胡五分 右剉碎每服一錢水煎服

平和飲子 治變蒸于三日後三日進一服可免百病百日内宜服 人參去蘆 甘草炙各白

茯苓去皮 升麻煨二 右咬咀用水煎不拘時候服稟受弱者加白木一錢肥大壯實者不

參杏膏 治小兒變蒸潮熱 人參去蘆 杏仁去皮 川升麻製各五分 甘草一錢 右為末百已

前每服一匙用麥門冬去心煎湯食遠服

傷寒門

冲和散 治四時感冒初起遍身拘急寒熱交作無汗頭疼身痛鼻塞咳嗽 白芷 防風

陳皮 羌活 川芎 杏仁 半夏製各一錢 紫蘇葉五錢 甘草七分 右為細末每服二三錢

加葱頭一個生姜一片煎服

羌活散 治傷風傷時寒氣頭疼發熱身體煩疼痰壅咳嗽鼻塞失音聲重及時行下痢赤白

並治 人參 羌活 赤茯苓 柴胡 前胡 獨活 桔梗 枳殼 川芎 甘草 蒼

木各等 右剉劑每服二錢水一盞姜二片薄荷三片煎七分服

麻黃湯 治發熱頭疼惡寒無汗 紫蘇一錢 乾葛 麻黃各 陳皮 升麻 川芎 白芷

赤芍藥 香附 甘草各五 姜一片葱白一寸水煎服

桂枝湯 治發熱頭疼有汗惡風 桂枝七分 赤芍一錢 甘草五分 姜一片水煎服

升麻湯 治汗出未透熱留于骨而皮膚發斑者及時行瘟疫并症疹疑似間皆宜服之 升

麻 葛根 白芍 甘草 右用水一鍾姜一片煎服

小柴胡湯 治寒熱往來口乾作嘔 柴胡五錢 人參 半夏六分 甘草五分 黃芩一錢 薑三

片水煎服

大柴胡湯 治傷寒邪熱固結大便不通用此利之 柴胡 黃芩 枳實 赤芍 半夏

熟大黃各等分水煎服

柴苓湯 治寒熱往來泄瀉嘔吐 柴胡一錢 澤瀉一錢 人參五分 黃芩一錢 半夏七分 甘草

三分 白木 赤茯苓 猪苓各 有汗加桂枝五分加姜二片棗二枚水煎服

黃連解毒湯 治傷寒大熱不止煩燥口渴喘滿蓄熱等症 黃連 黃芩 山梔 柴胡

連翹 右剉一劑水煎服

白虎湯 治傷寒身熱而渴有汗不解脈來洪數而實裏有熱乃可服 知母 石膏 甘草

加粳米一撮水煎待米熟去渣溫服如口渴兼發赤斑依本方加人參名白虎化斑湯

小陷胸湯 治小結胸心下痞滿而軟按之則痛 黃連 二分 半夏 五分 瓜蒌仁 三分 枳實 二分

右剉一劑生姜一片水煎服

開胸散 治傷寒結胸 柴胡 黃芩 半夏 枳實 桔梗 黃連 瓜蒌仁 山梔仁

甘草 右剉一劑生姜一片水煎服

解熱下痰湯 治傷寒結胸有痰有實有氣滯咳嗽失聲等症 紫蘇子 白芥子 枳實

黃芩 黃連 黃柏 瓜蒌仁 石膏 杏仁 烏梅 桔梗 生姜一片水煎服

傷寒潮熱痰壅咳嗽男婦大小皆可用 鬱金 三錢 石膏 兩 右為末每服一二匙清茶下

嘔吐門

和中清熱散 治熱吐 黃連 二錢 半夏 茯苓 一錢 陳皮 藿香 砂石 各七 水煎徐服之

溫中止吐湯 治寒吐 白豆蔻 茯苓 各一錢 半夏 五分 生姜 三片 水煎磨沉香四分熱服之

香薷飲 治小兒感冒暑熱乾嘔無物 白扁豆 姜炒去二錢 厚樸 四錢 黃連 炒五分 香薷 八錢

右剉散水煎不拘候服

丁香丸 治嘔吐不止 丁香 半夏 各等分 右用姜汁浸一宿曬乾為末以生姜汁煮

糊為丸如黍米大用姜棗湯下

六君子湯 治虛吐不止脈沈細有寒 人參 白茯苓 陳皮 甘草 半夏 各一錢 白朮 錢

右判一劑生薑二片黑棗一枚同煎服

定吐紫金核 治小兒胃寒嘔吐不止 沉香一錢 人參 白木 藿香葉 半夏 木香

丁香各二錢 共為末煮麩糊為丸如芡實大硃砂為衣陰乾用時以大棗一枚去核納藥

一丸于內濕紙包煨熟嚙化服用米飲壓之

麥門冬散 治熱吐不止心神煩熱 麥門冬 淡竹茹各五錢 甘草 人參 茅根 陳皮各

錢 右為粗末每服二錢水一鍾姜少許煎五分稍熱頻服

消食丸 治小兒乳哺不調飲食過度冷氣積于脾胃宿食不消致令嘔也 縮砂仁 橘紅

三稜 煨 莪木 煨 神麩炒 麥芽炒各半兩 香附子炒一兩 右為末麩糊丸菜豆大食後紫蘇湯下二十九

泄瀉門

清熱止瀉湯 治熱瀉 白茯苓 滑石各一錢 白朮六分 澤瀉七分 川黃連四分 薑炒 加薑二片 煎服

溫脾止瀉湯 治寒瀉 白朮土炒 白茯苓各一錢 肉果五分 甘草一分 肉桂三分 薑炒 煎服

安胃醒脾湯 治吐瀉兼作脾胃俱受病 白朮 白茯苓各一錢 滑石一分 水飛砂仁七分 木香五分

姜棗煎服 傳食加枳實山查神麩麥芽 夾驚加胆星天麻 風加防風乾葛 暑加香

藳扁豆 虛加人參 內熱加黃連 口渴加烏梅肉 吐不止加藿香 瀉不止加升麻

香橘餅 治積瀉傷冷 木香 青皮 陳皮各五分 厚樸姜汁炒 神麩炒 麥芽炒各三錢 三稜三錢

錢香附 砂仁各五錢 甘草一錢 右為末煉蜜丸姜湯下

五苓散 治小兒大便泄瀉小便不通 白朮 茯苓 猪苓 澤瀉 肉桂減 右判劑煎服

香砂平胃散 治感冒時氣瘴癘不和傷食停滯泄瀉如水心腹脹滿或時作痛小便不利身

熱口渴 蒼朮 厚樸姜炒各錢 陳皮二兩 甘草五錢 木香 砂仁略一 右為末姜棗湯下

藿香正氣散 治感冒寒暑霍亂轉筋吐瀉及傷寒頭疼增寒壯熱 大腹皮黑豆水 白茯苓

紫蘇 藿香 蒼朮 半夏略三 白芷 厚樸 陳皮略二 桔梗 甘草略一 右為粗

末每服二錢加姜棗水煎溫服

六和湯 治暑熱霍亂吐瀉 香薷 白扁豆姜汁炒去皮 赤茯苓 藿香 川厚樸姜汁 木

瓜 砂仁去殼研 半夏製 杏仁各八分 人參三分 甘草五分 生姜為引水煎服

王露丸 治夏月中暑熱泄瀉 白石膏煨通紅 白龍骨煨紅 桔梗二兩 澤瀉二兩 甘草五錢

右為末糯米糊為丸每服一錢燈心湯下

益元散 治小兒伏熱泄瀉小便短赤煩躁啼哭滿頭癩癩赤遊丹毒等症 滑石六兩 甘草

末二兩 硃砂五錢 右用燈心湯調服三伏天水調服亦佳如水瀉不止每益元散二錢加

五倍子末七分燈心湯下如瀉而壯不痛人事困倦每益元散加白朮末山藥末各一錢燈

心湯下中暑吐瀉每益元散二錢加藿香三分丁香一分浙米汁調下

理中湯 治中寒吐瀉手足厥冷 白朮 乾姜 人參 甘草炙 加附子名附子 理中湯

右用水煎熟加煨姜汁服之

四神丸 治脾胃虛弱瀉痢腹痛飲食不思每至五更連瀉數次 補骨脂四兩 鹽 肉豆蔻麩

油煨去 五味子各二 吳茱萸湯泡三次 炒一兩 右為末用紅棗五六枚生薑六兩用水煮熟去姜

用棗去皮核為丸如桐子大每服三五十丸白湯送下

人參理脾丸 治瀉痢日久脾氣虛弱食少倦怠面色痿黃四肢無力元氣欲脫 白木四兩

人參 山藥炒 扁豆炒 白茯苓 苡仁炒 神麩炒 陳皮 砂仁 甘草二兩 右煉蜜

為丸姜棗湯下

參苓白朮散 治小兒脾胃虛弱元氣不足嘔吐泄瀉自汗盜汗飲食少思中滿痞噎此脾中

和不熱久服養氣育神醒脾悅色 人參 白朮 茯苓 山藥 甘草各二 白扁豆煨 汁

薏苡仁 蓮子 砂仁 桔梗各一 右為末姜棗湯下

久瀉不止大法補虛消積 鳳髓經云脾中有積熱遲留至使中年瀉不休項軟見人多噎氣

更兼清水鼻中流少間有似黃金色若有垂腸更不收形症又看胸膈上胸前深赤汗如油

唇赤生瘡眼目赤若不調脾命即休

七味千金散 治痢下日久不瘥 宣黃連八分 龍骨煨 赤石脂煨 厚樸姜 烏梅肉各二分 阿

膠炒 甘草分 右為末米湯下

腹痛門

益黃散 治脾胃虛寒腹痛下痢 陳皮一兩 青皮 訶子肉 甘草錢 丁香二錢 右為

細末每服二錢水一盞煎六分食前服

調中丸 治脾胃虛寒下痢而腹痛 白朮土炒 人參 甘草炒 炮乾姜四錢 右為末煉

蜜丸桐子大每服一二十九食前溫水化下

當歸散

凡小兒夜啼面青手冷不吐乳是臟寒腹痛也宜此方服之

當歸頭

白芍

參各一分

甘草

桔梗

陳皮

右咬咀煎五分時時少服愈

七氣散

治七情相干陰陽不升降氣道雍滯攻衝作疼

青皮

陳皮

桔梗

桂

益智仁

甘草

半夏

香附子

右為末每服二錢姜棗湯下不拘時服

三稜散

治積氣壯疼

砂仁

甘草

益智仁

三稜

蓬朮

青皮

右為末白湯下

使君子丸

治腹內諸蟲作疼口吐清水

使君肉

檳榔

酸石榴皮

對焙

大黃

右各七

錢五

右陰檳榔剉曬不過火餘三味再焙同檳榔為末沙糖水煮麩糊為丸麻仁大每服

三十九丸至五十九丸

淡猪肉汁空心下或鷄汁亦好

烏梅散

治腹痛及初生嬰兒臍下冷痛等疾

烏梅

玄胡索

粉草

右各半兩

沒藥

鈎藤

右咬咀

每服二三錢

一盞煎八分

空心服

菽水丸

治諸般停滯疳積發熱瀉痢酸醜水穀不化肚腹疼痛

菽水

炮剉

三稜

附

醋浸七日慢火煮

枳殼

生薑

末

青朮

香

殼芽

淨洗

青皮

去白各

丁香

南木香

右除檳榔丁香木香不過火及薑牛末餘七味剉焙仍同檳榔木香丁香為末臨入薑牛末和勻水者麩糊丸綠豆大每服三十九丸至五十九丸無時用淡姜湯或溫

茶酒皆好

小者丸粟米大粒數下法如前

和中散

和胃氣止吐瀉定煩渴治腹痛思食

人參

白茯苓

白朮

甘草

乾葛

劉黃耆

白扁豆

藿香

葉

右為細末

每服三錢

水一盞

紅棗二枚

去核

姜二片

煎

推拿廣意

卷下

九

八分食前温服 小兒未能語啼哭不能辨者當以手候其腹如實硬處即是腹痛外治之方研生姜取汁煖令温調麩成糊塗紙貼臍心立定

痢疾門

大黃湯 紅痢初起腹疼後重用此下之 大黃三錢三錢三歲者 枳殼一錢 當歸一錢 檳榔

黃連 枳殼各七 姜水煎服

芍藥湯 白痢初起腹痛後重用此下之 大黃二錢 黃芩 枳殼 蒼朮 青皮各八 厚樸

檳榔 木香 莪朮 水煎服

加減黃芩芍藥湯 調血和氣 白芍二錢 當歸 黃連 厚樸 黃芩各五分 枳殼 枳殼

香連丸 治暑熱傷脾停積成痢赤白相雜裏急後重腹肚作痛脹滿惡心等症 川黃連二兩 木香五分 血痢加生地地榆 白痢加青皮蒼朮 水煎服

香連丸 治暑熱傷脾停積成痢赤白相雜裏急後重腹肚作痛脹滿惡心等症 川黃連二兩 兩用吳茱萸十兩同拌炒揀去吳茱萸 廣木香 川厚樸姜汁 廣陳皮 陳枳殼麩炒 山查去子 白芍藥酒炒各

右為末醋糊水法為丸

參連散 治下痢日久胃中虛熱禁口不食嘔穢惡心此藥解毒清熱開胃進食 人參一錢

老蓮肉去皮 黃連七分 木香五分 右為末陳米湯化下

徐仲垣先生家傳香蓮散 通治赤白痢疾 當歸酒洗 蒼朮泔水 杏仁去皮 紅花酒洗 大黃

酒蒸九次為度 黃連吳茱萸汁 羌活略 木香五錢 右為末每服一錢白滾湯調下胃口不開

老蓮肉去心 煎湯調下

便紅散 治飲食不節雜進無度致傷脾陰大便下血之症 紅麴 蒼朮仁 各等分炒為末每用一錢空心米湯下

瘧疾門

驅瘧散 治瘧疾初起寒熱往來頭疼煩渴胸膈脹滿等症 知母 羌活 前胡 蒼朮 陳皮 厚樸 茯苓 藿香 一錢 半夏 柴胡 一錢 甘草 三分 右研為末每服二錢水鍾半姜一片煎服

食瘧腹膨食少或時作痛 麥芽 神糶 檳榔 草果 柴胡 蘇葉 蘇梗 一錢 加姜一片水煎服

痰瘧咳嗽喘急 川芎 柴胡 貝母 知母 橘紅 黃芩 蘇子 一錢 水煎服

風瘧頭痛骨節疼或鼻塞氣粗 羌活 防風 蘇葉 川芎 柴胡 白芷 等分 甘草 減半水煎服

驚瘧寒熱發瀉 茯神 遠志 去心 麥門冬 去心 柴胡 半夏 一錢 各製 甘草 二分 水煎服

陰瘧至晚即發累月不已 人參 芍藥 川芎 柴胡 一錢 甘草 一錢 紅花 各三分 水煎服

截瘧仙棗 治小兒瘧疾三發過以此棗截 大北棗二枚去核每個內放草麻子仁三粒臨發日五更咽下以白滾湯送下

瘧久久不愈腸下有塊俗名瘧母服蠶甲丸 蠶甲 酒炙 蓬朮 醋炙 青皮 醋炙 穿山甲 去砂 右為末用醋者當歸為骨拌藥丸如黍米大每服二錢用川芎芍藥柴胡各錢一分煎湯下

疳疾門

茯苓丸

治心疳驚疳

茯苓

琥珀

黃連

蘆薈

赤茯苓

各三錢

遠志

姜製

菖蒲

一錢

香

少許

蝦蟆

鈎藤皮

各二錢

右為末

米糊丸

如麻子

大每服

十九

薄荷湯下

蘆薈丸

治肝疳殺蟲和胃止瀉

蘆薈

研胡連

川連

蕪荑

去扇

青皮

木香

各二錢

右為末

米糊丸

鶴虱

微炒

雷丸

破開白者佳

赤色麝香

少許

砂仁

減半

右為末

米糊丸

綠豆大

每服

一二

十九

米飲湯下

清肺飲

治肺疳熱薰穿鼻孔

汁臭

或生瘰肉

紫蘇

前胡

黃芩

當歸

連翹

防風

各二錢

水煎食後服

赤茯苓

生地

天門冬

去心

甘草

桔梗

各一錢

桑皮

炒五錢

右末每服

二錢

水煎食後服

消疳肥兒丸

治小兒脾胃面黃肚大

水穀不化

大便酸臭

小便尿泔

好喫泥土

茶米

瓦炭之

類

黃連

神糶

青皮

山查肉

一兩

右為末

煉蜜為丸

圓眼肉

大每服

一丸

米湯化下

消食餅

治小兒脾胃虛弱時常傷食

面黃肌瘦

肚大腹脹

常服此餅

健脾消食

山藥

炒白

茯苓

去皮

神糶

炒蓮子

和作餅食之

豬肝散

治肝經積熱眼生白膜

怕日羞明

搖頭

咬甲肚大

青筋

髮豎

黃瘦

名曰肝疳

石膏

兩

石決明

錢

海螵蛸

錢

五分

辰砂

一錢

共研細末

一二歲者

每次用藥

五分

以公

豬肝共四兩

竹刀切開入藥末于內

扎之

將第二次淘米水

煮肝湯

俱食極效

九味地黄丸 治腎肝 熟地四兩 赤茯苓 山茱萸肉 川練子 當歸 川芎 丹皮

使君子肉 乾山藥 右為末 蜜丸 桐子大 每服七八丸 空心温酒下

走馬牙疳方 五倍子焙 人中白 枯礬 緋丹焙紫 輕粉少許 片腦少許 共研勻敷患處

痞積門

和脾化積湯 治小兒一切諸積後備加減法 山查 枳實 蓬木 厚樸 白朮 甘草

陳皮 乳積加砂仁 香附 氣積加木香 蘇梗 驚積加茯神 遠志 虛積加白朮 茯苓

苓 實積加枳榔 牽牛 表有熱加柴胡 黃芩 裏有熱加黃連 木通 小便不利加滑石

澤瀉 大便不通加大黃 枳殼 寒月加益智 草豆蔻

消積化聚丸 治五積六聚痞癥攻痛 三棱 白朮炒 茯苓 黃連 乾漆炒 木香 益

智炒 歸尾 酒洗 麥芽微炒 各紅花 砂仁炒 門冬 枳殼炒 穿山甲燒灰 青皮 柴胡 神

麩炒 蓬木 煨 枳榔 炙 桃仁 香附炒 薑 鱸甲醋 各 右為末 蜜丸 重三錢 空心陳米湯

遇仙丹 治一切五積六聚食積氣積 白芷取 半兩 生一兩 炒 枳榔 牙皂 義朮 茵陳半

兩 右為末 醋糊為丸 每服五七分 白湯送下

琥珀膏 大黃 樸硝 各一兩 為末 以大蒜搗貼之

五色保童丸 治小兒一切所傷 痰涎壅塞 胸膈不利 乳食不消 變生癖積 脇肋片硬 按之疼

痛及治一切急慢驚風 發搐 痰涎壅塞 青丸子 青黛別研 南星姜製 各 巴霜五分 紅丸

子 硃砂水飛 半兩 姜製各 巴霜五分 黃丸子 大黃煨 鬱金各半 巴霜五分 白丸子 白

附子生寒水石煨各半兩巴霜五分黑丸子五分五靈脂炒全蝎炒巴霜五分右前五色藥各

另研為細末入巴霜五分研勻麩糊丸粟米大一歲服五丸乳汁送下量大小加減或姜湯

下急驚風金銀箔湯慢驚生薑全蝎湯下

化痞阿魏膏 羌活 獨活 赤芍 穿山甲 玄參 官桂 生地 大黃 白芷 天麻

兩頭各錢五木鼈子針紅花四錢亂髮一團槐柳桃枝各錢三右用香油二觔煎黑

去渣入髮煎化仍去渣徐下黃丹十兩煎飲硬得中入芒硝阿魏蘇合油乳香沒藥各五錢

麝香三錢調勻即成膏矣將帛絹攤貼患處內服丸葯黃丹須用山東者效凡貼膏葯先用

樸硝隨患處鋪半指厚以紙覆上用熱熨斗熨良久如硝耗再加熨之二時許方貼膏藥

癩症門

五色丸 通治五癩 硃砂研五錢水銀一分雄黃熟一分鉛三兩銀兩同煮 真珠末研一兩右為末煉蜜

丸如麻子大每服三四丸金銀薄荷湯下

散風丹 治小兒風癩先用此藥 牛膽南星二錢羌活 獨活 防風 天麻 人參 川

芎 荊芥穗 細辛各一錢右為末煉蜜為丸如桐子大每服二丸用薄荷紫蘇湯不拘時服

獨活湯 治小兒風癩解表通裏 獨活 麻黃去節川芎各一錢大黃 甘草炙右剉碎

每服二錢用水一鍾生薑二片煎至四分不拘時溫服之

牛黃丸 治小兒風癩迷悶抽掣涎潮 牛胆南星 全蝎焙去毒蟬殼各五分防風 牛黃

白附子生蠶蚕炒去絲嘴天麻各五分麝香五分右為末以煮棗去皮核取肉和水銀半錢研

極細末次入藥末和丸如菴豆大每服三五丸用荊芥生薑煎湯送下不拘時服之

七寶鎮心丸 治小兒驚癇心熱 遠志製心 雄黃 鐵粉 琥珀各二錢 硃砂一錢 金銀箔

四片麝香少許 右為細末者菴去皮取肉為丸桐子大每服五丸煎法麥冬湯化不拘時服

清心丸 治小兒躁悶項背強直腰背反張時發時醒大人中風小兒驚風 牛黃一兩二錢 麝

香研龍腦另研 羶羊角末各錢 當歸去芦 防風去芦 黃芩 麥門冬去心 白芍藥 白朮各半

柴胡去苗 杏仁去皮尖 研桔梗 白茯苓去皮 芫窮各一兩 阿膠剉碎末 肉桂去粗 大豆

卷疆炒各一兩 蒲黃炒 人參去芦 神柚炒 各二 甘草炒 雄黃八錢 飛 白斂 乾姜各七錢 金箔

一千二百片留 犀角末二兩 乾山查十兩 大棗一百枚 蒸熱去皮 右除棗杏仁及牛黃麝香

雄黃龍腦四味另為細末入前藥和勻煉蜜與棗膏為丸每兩作十九丸用金箔為衣每服一

丸溫白湯化下食後服小兒驚癇即酌度多少以竹葉湯溫化服

咳嗽門

蘇陳九寶飲 治小兒咳嗽聲重自汗頭疼 蘇葉 杏仁 半夏 桑白皮 陳皮 前胡

絡一甘草 大腹皮 薄荷 桂枝各七 渴加花粉 汗多去紫蘇 姜葱水煎服

加味二陳湯 咳嗽有痰氣急而喘 陳皮五分 半夏 胆星 枳實 杏仁各七 瓜蒌仁三

麻黃 甘草各二 石糕八分 火盛加苓連有汗去麻黃 水二鍾姜一片煎服

利痰方 南星 玄明粉各一 鬱金 硼砂各三 白礬五錢 右為末臘月黑牯牛胆拌套陰

乾量病輕重淡姜湯下

陳孟昭先生白杏湯 定喘止渴 欵冬七分 杏仁去皮尖 桑皮蜜炙七分 蘇子炒七分 陳皮七分 北

五味三分 麻黃五分 甘草三分 白果肉搗碎 加姜棗煎服

瀉白散 治小兒肺實咳嗽悶亂喘促渴飲水漿 桑白皮蜜水炒 地骨皮一兩 甘草五錢

右為細末每服二錢水一鍾粳米一撮同煎五分食遠服

阿膠丸 肺虛而咳嗽動汗出大便不固此方效之 阿膠蛤粉炒 百合略 五味子 甘草炙

欵冬花蜜水 烏梅肉分 粟壳蜜炙 右為末煉蜜丸芡實大每服一九五更白湯下

貝母散 治火嗽痰多日不愈 貝母去心 桑白皮一錢 五味子十粒 甘草五分 知母三分 欵

冬花一錢 杏仁去尖 右剉一劑姜一片水煎服

腫脹門

塌氣丸 治飲水過多停積于脾故四肢浮腫宜服此以消之 蘿藦子 赤小豆 陳皮各

錢木香二分 甘草五分 黑豆一錢 右為末糊丸如棗大二歲者服三十九丸米飲湯下

推氣丸 陳皮 枳榔 枳實 黃芩 黑豆 蓬朮 青皮略 右為末煉蜜丸如圓眼

大每服一九姜湯下

補中行濕湯 治諸般浮腫小便不利者 陳皮 甘草 蒼朮 厚樸 白朮 人參 茯

苓 猪苓 澤瀉 肉桂 水一鍾姜三片燈芯十二根煎五分不拘時服

榮衛飲子 治小兒氣血俱虛四肢頭面俱浮以至喘急者服之 川當歸 熟地黃 川芎

藟 白芍藥 人參 白朮 茯苓 甘草 枳壳 黃芪 陳皮 水二鍾煎五不拘服

雜症門

眼痛者火盛也小兒患眼腫痛不可妄投寒涼之藥宜拔毒膏主之

拔毒膏 用准地黃一兩新汲水浸透搗爛貼脚心湧泉穴布包住效

通天散 治小兒風火赤眼痛痒腫脹 牙硝半兩雄黃二錢右為細末每服少許吹鼻中

流出清水双目流淚即效

丹瘤者流也片片如脂遊走而不定之謂也始于胎毒後因烘衣受熱而得故從心腹而發于

四肢者易治從四肢而入心腹者難治入心入腹入囊作脹作瀉舌乾神亂者則不可救矣

黃連法 牛肉切成薄片晒半乾用黃連煎濃汁將牛肉片投入黃連汁內泡片時以牛肉貼

丹瘤上乾再換易數次即效

白玉散 寒水石 滑石 等分為末雞子清調敷患處 又方 綠豆粉二錢伏龍肝半兩

水粉半兩 共為末雞子清調敷

消毒散 當歸 赤芍 生地 牛蒡子 連翹 防風 天花粉 羌活 犀角屑 用水

一鍾燈心二十根煎五分不拘時服上身者加川芎桔梗下身者加木通黃柏 爛耳者少

陽風熱熾感而上升也小兒耳中出膿臭爛或作疼痛日久不愈令兒耳聾治宜疎熱散風

外以黃連散主之

黃連散 枯白礬 龍骨煨 黃丹 水飛 胭脂 海螵蛸浸 右為細末加二香少許再研先

以紙條燃乾膿水後以藥吹入切要避風 口舌生瘡者心脾蓄熱也舌本乎心口屬乎脾

二經鬱熱則口舌生瘡各宜推類而治之其脉左寸洪數心經實熱右關沉實脾經實治宜清涼之劑脾虛中氣不足口瘡服法藥不愈煮內以理中湯外以陰陽散主之

冰硼散 治口舌生瘡破爛重舌木舌 研砂半兩 辰砂一錢 冰片一分 共為末搽口內

大連翹飲 五福化毒丹 熱門 胎 理中湯 觀門

陰陽散 川黃連 乾姜 各等分為末散之

加味甘桔湯 治小兒咽喉腫痛風熱等毒 桔梗一錢 防風 荆芥 薄荷葉 甘草 黃

苓 右剉水煎食後服

碧雲散 治心肺積熱上攻咽喉腫痛閉塞水漿不下 青黛 硼砂 煨硝 蒲黃 甘草

各等分吹入咽喉吐去涎痰即效 黃水瘡多生小兒頭面或眉目或口鼻黃水流至即

生以蛤粉散敷之甚效

蛤粉散 蛤粉 煨石樵 黃柏末 錫一輕粉 伍 共為末以麻油調搽二三次即愈

治小兒瘡癩頭癩膿血不止擠去一泡復起一泡 松香 四兩 銅綠 八錢 杏仁 七十五粒 木鼈

子 五箇 乳香 五錢 沒藥 五錢 血竭 一錢 輕粉 一錢 蓖麻子 仁 一錢 同搗十餘下成膏貼之

治小兒頭上白禿瘡 寒水石 煨過 少加枯礬花椒松花蛤粉共為末麻油調敷即效

治小兒脫肛 先以葱湯薰或以陳壁瓦薰洗後用五倍子燒灰存性托上

治小兒諸骨酸喉 燈芯以竹筒填滿燒灰用米糖化開調灌下勿犯牙即效 又方以象牙

末吹之妙

治小兒遺尿 破故紙鹽水炒為末每用一錢滾湯調下

治小兒痰核 五倍子煎化濾去渣加入牛皮膠同熬成膏敷上紙蓋之

瘰癧方 肥兒子燒灰存性為末每服二錢好酒調下

又方 馬鞭草不拘多少日日煎酒飲之或煎湯隨意飲之

治癬方 蘆薈 甘草 枯礬 飛丹 共為末米醋調敷之

治小兒凍瘡方 白 肉桂 狗骨 共為末燭油調敷之

治漆瘡 用蜈蚣一個搗碎搭敷數神效內服通聖散

治蛇蟲咬毒纒作服之 青黛 雄黃 各等分研細每服二錢新汲水調下

治蜘蛛咬成瘡 雄黃一錢麝香半分 右為末用藍靛汁和塗瘡上如無靛汁以青黛五分

入水內和塗之立效
治湯火傷 用槐角子燒灰為末香油調敷之